

EBERI JACOB
Genesis 27:41-46; 28:1-22
OYOHỌ UKPEP-ŃKPỌ 23 – Eke Ikpọ Owo

IKỌ IBUOT: “Nsinsi Abasi edi ebiet iduñ, nsinsi ubọk enyuñ edu ke idak” (Deuteronomy 33:27).

I Uduak Rebekah Ndinam Jacob Efehe

1. Uduak Esau ndiwot eyeneka esie ke abañá edidiọñ emi ekenọde enye, Genesis 27:41, 36
2. Uduak eka esie ndinam Jacob efehe aka ufọk eyeneka esie ke Haran, Genesis 27:42-45
3. Ɗkari Rebekah ke ndinam Jacob aka Haran ndiyom ñwan, Genesis 27:46

II Usọp-Usọp Edinyime Isaac Ke abañá Edika Jacob

4. Item esie ete yak Jacob okuda ñwan ke otu mbon Canaan, edi ke otu nditọ iban Laban, Genesis 28:1, 2; 24:2-4
5. Akam Isaac ete yak edidiọñ Abraham ebe odoro Jacob; ye edinọ Jacob aka Haran, Genesis 28:3-5
6. Esau odomo ndinem ete ye eka esie esit ke ndimek ñwan ke otu nditọ iban Ishmael, Genesis 28:6-9; 26:34, 35

III Ndap Jacob Ke Usuñ Ndika Haran

7. Edisuhọre esie nna ke añwa ikpọñ nde idap ke mbubreyo ye itiat nte udoribuot, Genesis 28:10, 11
8. Ndap esie nte udigukot otode ke isọñ osim Obio Abasi ye nte mme angel edọkdedọk enyuñ esuhọrede, Genesis 28:12; Mme Hebrew 1:14; John 1:51
9. Editọñọ ntak nsọñọ eñwọñọ emi ekenamde ye Abraham, Genesis 28:13-15; 12:2, 3; 26:1-4

IV Ndik Jacob Ye Akañá Esie Ye Abasi

10. Ndik Abasi emi akanamde enye ke ini enye edemerede, Genesis 28:16, 17; 27:12
11. Ntọñọ isañ esie ye Abasi ke ndiyet itiat aran nnim nte adaha, Genesis 28:18; Exodus 29:36
12. Edisana ebiet oro ekotde Bethel, “ufọk Abasi” emi Abraham okonyuñ ọbọñde akam, Genesis 28:19; 13:3, 4; Isaiah 56:7
13. Akañá Jacob ndikpe ọyọhọ ubak duop nte Abraham akanamde, oto ke ediomí Abasi, Genesis 28:20-22; 14:20; 18:19.

SE EKPEPDE EBAÑÁ

Abasi ama enyene ekikere ini iso abañá Jacob ye Esau nte ewetde ke ñwed ntiñ-nnim ikọ Malachi: “Jehovah ọdọhọ ete, Nte Esau ikedige eyen eka Jacob? Ndien ñkama Jacob, nnyuñ nsua Esau.” Abasi emi ọdiọñode esit kpukpru owo ama okut ukpuhọre ke esit nditọ emi mbemiso mmọ edimana. Ebiet emi Jacob, andikpri ñkan ke otu mbiba, akanade ada ke udim ndimek ikọt Abasi, ama onyuñ ayarade owut idem ke enyiñ emi ekieside enye ke ini enye amanade: **Jacob** ọwọrọ “mum nditiñ-ikpat” mme “ndibọ itie.”

Edi ikodotke Jacob mme eka esie ndida ñkari ye abiañá nnam uduak Abasi osu man Jacob ọbọ mme eñwọñọ ye mme edidiọñ Esie. Akananam Abasi iberike edem ke ifiọk ye edinam owo ndida nnam uduak Esie osu, man ekedọhọ ndien ndikpada nsu nsu edinam owo nnam uduak Esie ọwọrọ osu. Abasi akananam iyọhọ idiọk-ñkpọ ke ido ekededi, uduot ekededi mme mbiet ekededi. Enye ama anam uduak Esie, onyuñ ọsọñọ ye Jacob eñwọñọ emi Enye akanamde ye Abraham, ke ndinam andikpri ñkan edi andibọ mme eñwọñọ Esie, idighe ke ntak idiọk mbufiọk Jacob ye eka esie, edi, okpokosuk edi ntre.

Ke ekikere obukidem nte owo, Esau ama enen ke edinam esie ye ekpri eyeneka esie. Ke ido uduot owo, idiọk owo esiyom ndisio usiene nnyuñ ññwana ndikan owo usua esie. Ke ñkpọ emi, Esau ama aduak ndiwot eyeneka esie ke ete mmọ ama akpa, koro enye mikọfiọkke Abasi emi ọkọdọhọde ke akpatre, ke ntak ufọn mmọ oro etienede Enye: “Usiene enyene Mi; Ami nyesio usiene.” Cain emi okowotde Abel ndien usiene iduhe ekpekenyene ndidi uwut-ñkpọ ọnọ Esau ke abañá utibe akpanikọ ete ke enyin Jehovah okokut kpukpru idiọk-ñkpọ mme owo onyuñ ọdiọñọ mmọ, ndien ke ekem ini Esie, Enye eyenam kpukpru mme anam idiọk ebọ ubierikpe.

Rebekah ọtọñọ ntak ada ñkari anam Isaac ọnọ unyime ke Jacob ndikpọñ idut nnyuñ ndiọñ enye ke abañá isañ oro. Ntre, ke utọ idaha emi mmọ ekedude ye ndik mkpa emi okotukde enye ye oruk ebuana ye esit kiet emi okodude ke ufọk mmọ kpukpru ini, Jacob ama ọtọñọ isañ esie.

Ke akpa okoneyo, enye atiak ada ke ebiet kiet ndiduo odudu. Ebiet iduñ emi okofonde ikoduhe ino enye do, ndien ama ofon nte enye okosuhode ikpon ye Abasi, koro mi nkpo-ntibe ama ada itie emi akanamde akamba ukpuhore ke ofuri uwem esie.

Ke idap esie enye ama adaba ata ediye ndap. Enye ama okut eberi otode ke ison osim Obio Abasi ye mme angel ke edodok ke esosuhore. Abasi akada ke enyon etin ikpo ono Jacob, ke ndifiak nti enwonoro oro Enye ekebemde iso anam ye Abraham, nte ke edito ke ubon esie ofuri ererimbot eyekut ufon. Ke ndidian ke ediomi emi, Jacob ama obok ikpo ndonesit nte ke Abasi eyedu ye enye ke isan esie, nko ke ididuhe ini emi Ubok Abasi midikpemeke enye, ndien ke ini ama ekem eyeda enye etono ntak edi ke ison ete esie, Isaac.

Ikpo ndonesit emi ekedi man osio ndik ke esit owo emi ekefehede okpon ufok ke ntak iyaresit eyeneka esie ye ndutime emi okosuk odude ke ufot mmq. Edi ke adana nte ikpo Abasi ama akanwam ndibin ndik oro mfep, Jacob afiak okut ke esit esie ndik efen. Emi ekedi ndik Abasi, kpa Abasi emi enye mikadaha isin ke mme uduak esie ke ini edem, kpa Abasi emi enye mikemeke ndifehe mboho. Nnyin imekeme ndifehe mboho ufen idiok-nkpo eke iduede owo; edi nkpo kiet ke inyene ndifiok nnyin idikemeke ndifehe mboho enyin Abasi emi okutde kpukpru ebiet.

Man enye oboho ubiom-ikpe idiok-nkpo emi, akana enye anam nkpo kiet: akana nte enye okut mme idiok-nkpo esie onyuni anam ediomi ye Abasi. Enye ama anam emi ke ndiwuk itiat nte ebiet ukpono Abasi ye edibon akam emi enye okobonde.

Edi akpaniko nte ke Abasi ama okop akam oro, koro Enye ama akabare edi Abasi Jacob. Ndien Jacob ama okot ebiet oro Bethel, emi ke edikabare ikpo oworo Ufok Abasi. Ema enyana Jacob; nnyin nko imokut ukpuhore ofuri edu uwem emi okodude ke enye tonode ke emi ka iso. Mme edinam Abasi nnyin edi utibe! Ke ekpri ibio ini, ubiom-ikpe ye ufen idiok-nkpo ebe, edida edisana Abasi nte nkpo ndik iduhe aba, nko emem eyetop oworo emi osonde ete emefen mme idiok-nkpo ke ini anam idiok atuade mkpofok oyom mbom ye edidahado.

Esau ebiet mmq emi eyakde esit mmq esin ke nkpo ererimbot enyuni eyomde mme nkpo uwem emi edude ke esisit ini, inyuni ikereke ibana ini iso man ekut ntak urua emi odude ke edisin edidion eke spirit. Jacob eti nnyin abana mmq emi miyuhoke ke itie mmq ke ini mmq esonde ibuot ye Abasi, edi eyomde mme nti nkpo enyuni ekerede ebana mme ufon ye mme edidion eke ekpenyenede mmq.

Eberi emi Jacob okokutde ye mme udim angel edi utu usuñ kiet emi adade owo edisobo ye Abasi. Idiok-nkpo akada akwa nkpo ndik edi ke eritono ubahare ke ufot owo ye Abasi, edi Abasi ama onim ete kpukpru mmq eke eyomde ekeme ndifiak nnyene ebuana ye Imo. Man enam emi akana Esine-Ufot odu, Owo efen ikemeke ndida itie oro ke ebiede Jesus, Eyen Abasi; ntre ema enenim toto ke eritono ererimbot ete ke Enye edidi edinuak ibuot Satan onyuni asiak usuñ eke owo edikemede ndifiak nnyene ebuana ye Abasi.

Jesus ekedi ke nnen-nnen ini, obok ufen ono ubon owo onyuni akabare edi "eberi," ke nditim ntiñ man owo ekeme ndidok mbine Abasi nnyuni nkeme ndinam uduak Abasi oto ke Enye. Mme angel eka nditie ntre, nte mme anam utom spirit emi esiode edon ndinam utom ke otu mmq oro enyenede erinyaña (Mme Hebrew 1:14), Jesus eketin abana nkukut emi ye nte ediworo osu ke Idemesie, ke ini Enye okodohode Nathanael ete: "Ke akpaniko ke ndoho mbufo nte, Mbufo eyekut nte enyon okiborede, ye nte mme angel Abasi edodok esosuhore edoro Eyen Owo ke idem" (John 1:51). Nathanael, oto ke mbufok spirit okofok ete ke Jesus edi "Eberi" oro, mme, usuñ mfon ono uduot owo emi ama okodu okpon usuñ, ndien edi mme angel ekanwam ke akwa uduak Abasi emi.

Andiwet Psalm ekewet abana emi nte, ntiñ-nnim ikpo: "Ima ye akpaniko emesobo oto kiet; erinen ye emem emetim kiet eken inua. Akpaniko omotibe ke ison; ndien edinen ido etie ke Heaven otuk iso esie" (Psalm 85:10, 11).

Mme ewet ikwo edomo ndinyene ifok mbaña akwa nkukut emi ye akpan nkpo emi enye adade ono ke uworo ufin nnyin. Owo kiet ekewet:

**"Mme nkodu ke inwan, Eyo okut,
Kidap mi itiat edi, Udoribuot;
Ke ndap kpukpru ini, Obon ke nkpere Fi
Obon Ke nkpere Fi, ke nkpere Fi!**

**"Afo k'eteme mi, Akwa Obon
Usun mi eyesim, Heaven ke enyon,**

**Kpukpru mfɔn fo mi Enam mkpere Fi
Oboñ ke ñkpere fi, ke ñkpere Fi!”**

Ewet ñwed efen esin nte ekemde ye enye ke enye ekewetde ete:

**“Am’ nyema ndisaña ye Jesus ikpōñ,
Nnyuñ nnyene udoribuot itiat nte Jacob,
Ndu uwem nnyuñ ñkut iso Esie kpukpru ini,
Akan ndifiak edem ke usuñ mi
Nnyuñ ntre ke usuñ!”**

MME MBUME

1. Nso ikedi ntak emi Jacob akakade Haran?
2. Nso ke edinam Esau akanam ye Jacob?
3. Nso ntak ke Rebekah okonọ Isaac ke edidaha Jacob?
4. Nso ke Isaac akanam onọ Jacob mbemiso enye adaha?
5. Jacob akadañ ke mmōñ ke akpa okoneyo, ñko ntak emi enye okokotde ebiet oro ntre?
6. Nso ke Abasi eketiñ onọ Jacob ke ndap oro?
7. Anie ke Jacob ekenyene ndik abaña ke ini enye edemerere ke usen ubok?
8. Tiñ se Jacob akanamde ke ini enye edemerere.
9. Nso akaña ke Jacob akanam ke ini enye okobonde akam?
10. Nso enọ mfɔn ke Jacob okobọ mi?